

Jio Mart

টাইম ভার টাকা দুটোই বাঁচান



Quick ফ্রি
হোম ডেলিভারী



লো প্রাইস
গ্যারান্টি



জিরো অতিরিক্ত
চার্জ

ফ্র্যাট ₹ 100 ছাড়*

আপনার 1ম -Quick গ্রোসারি অর্ডারের উপর

*ন্যূনতম ₹399-এর কেনাকাটার উপরে।

ব্যবহার করুন কুপন কোড

JMNEW100



ডাউনলোড করতে
স্ক্যান করুন

*T&C Apply



টমেটো 1 kg



বাজারের দাম ₹ 40
জিওমার্ট প্রাইস
₹ 29



ম্যাঙ্গো হিমসাগর 1 kg



বাজারের দাম ₹ 60
জিওমার্ট প্রাইস
₹ 39



ম্যাঙ্গো ল্যাংড়া 1 kg



বাজারের দাম ₹ 80
জিওমার্ট প্রাইস
₹ 49



কোয়ালিটি ওয়ালশ

প্যাক / টাবস্ 700 ml থেকে শুরু
(নির্বাচিত সম্ভার)

এমআরপি ₹ 140 থেকে শুরু

জিওমার্ট প্রাইস ₹ 70 থেকে শুরু

ফ্র্যাট
50% ছাড়



বিস্কো / প্রিজলস্ চিঙ্গ

75 g থেকে শুরু
(নির্বাচিত সম্ভার)

এমআরপি ₹ 20 থেকে শুরু



ফ্র্যাট
40% ছাড়

জিওমার্ট প্রাইস ₹ 12 থেকে শুরু



কোন্ড ড্রিক্স 750 ml /

জুস 600 ml
(নির্বাচিত সম্ভার)

এমআরপি ₹ 40 থেকে শুরু



ফ্র্যাট
25% ছাড়

জিওমার্ট প্রাইস ₹ 30 থেকে শুরু



মহাকোষ রিফাইন্ড সয়াবিন অয়েল

840 g / ফরচুন কাচি ঘানি মাস্টার্ড

অয়েল 1 L
(নির্বাচিত সম্ভার)

এমআরপি ₹ 164 / ₹ 190



জিওমার্ট প্রাইস
₹ 125 /
₹ 157

সঞ্চয় ₹ 39 / ₹ 33



ম্যাককেইন ফ্রেন্স ফ্রাইস

420 g

এমআরপি ₹ 125



জিওমার্ট প্রাইস
₹ 49

সঞ্চয় ₹ 76



ট্রেসেমে / হিমালয়া /

ডাভ শ্যাম্পু 340 ml
(নির্বাচিত সম্ভার)

এমআরপি ₹ 310 থেকে শুরু



ফ্র্যাট
33% ছাড়

জিওমার্ট প্রাইস ₹ 207 থেকে শুরু



টাইড 6 kg + 2 kg / সার্ক এম্বল ডিটারজেন্ট

পাউডার 7 kg / এরিয়েল / সার্ক এম্বল মটিক

লিকুইড 4 L / কমফোর্ট ফেব্রিক কন্ডিশনার 2 L
(নির্বাচিত সম্ভার)

এমআরপি ₹ 550 থেকে শুরু



ফ্র্যাট
40% ছাড়

জিওমার্ট প্রাইস ₹ 330 থেকে শুরু



নিয়ম এবং শর্তাবলী প্রযোজ্য। স্টক থাকা পর্যন্ত অফারটি বৈধ। সমস্ত অফার কোবোরপ বিজ্ঞপ্তি ছাড়াই পরিবর্তন সাপেক্ষে। পণ্যসমূহের প্রদর্শিত ছবি / চিত্র কেবলমাত্র নির্দেশনাস্বরূপ প্রদত্ত। সমস্ত পণ্যের এমআরপি সমস্ত কর সহ। ডিসকাউন্ট পার্সেন্টেজ অফার মূল্যের নিকটতম পার্সেন্টেজের রাউন্ডেড অফ। সমস্ত অফার 25ই মে 2025 তারিখ নির্বাচিত পিন কোড-এ পর্যন্ত বৈধ। সমস্ত বিরোধ বা বিতর্ক মুম্বই আদালতের এজিয়ারের অধীন।

এড়াতে গরম বেড়াতে মন

ছুটি এবং ছুটি। গরমের ছুটি।
বাচ্চাদের স্কুলে। বড়রাও
চাঁদীফাটা গরম এড়াতে
ইতিউতি প্ল্যান করে ফেলেন
এই সময়। গরম ছেড়ে আরামে
যেতে কার না মন চায়। তবে
এই গর্মি-সময়ে বেড়াতে গিয়ে
সতর্ক কিন্তু থাকতেই হবে।
বিশেষ করে মন ভালো করার
জন্য ট্যুরে গিয়ে যদি শরীরটা
খারাপ করে বসেন, তাহলে
বেড়ানোর আনন্দ ষোলোআনা
মাটি। কোন কোন বিষয় মাথায়
রাখবেন, জেনে নিন চটপট।



পাবেন কীভাবে

তীব্র গরমে বেড়ানোর
সময় ফুড পয়জনিংয়ের ঘটনা
প্রায়ই ঘটে থাকে। এ সমস্যা যে
কারোরই হতে পারে। এই সমস্যা
আপনার বেড়ানোর আনন্দকে মাটি
করে দিতে পারে। রাস্তার ফুচকা,
স্ট্রিট ফুড কিংবা বিদেশের কোনও
রেস্তোরাঁ—যেখানেই কিছু খান
না কেন, অসাবধানতার কারণে ফুড
পয়জনিংয়ের সমস্যা দেখা দিতে পারে।
সমস্যা যখন আছে, সমাধানও নিশ্চয় আছে।
বিশেষ কিছু পদক্ষেপ গ্রহণ করে নিজেকে ফুড
পয়জনিংয়ের হাত থেকে নিস্তার দিতে পারেন।
চলুন জেনে নেওয়া যাক—

১. বেশি করে জল খান

বেড়াতে গিয়ে ফুড পয়জনিংয়ের শিকার
হলে বেশি বেশি জল খেয়ে শরীরকে আর্দ্র রাখুন।
শরীরের ইলেকট্রোলাইটের চাহিদা পূরণ করুন।
জল খেতে গিয়ে যদি বমি আসে, তাহলে ধীরে
ধীরে চুমুক দিয়ে জল খেতে পারেন।

২. খেতে হবে নরম খাবার

ফুড পয়জনিং হলে নরম খাবার খেতে হবে।
প্রয়োজনের চেয়ে বেশি খাবার খেতে যাবেন না।
সম্ভব হলে কোচকলা ভাতা দিয়ে ভাত খান। পারলে
‘ব্রাট ডায়েট’ অনুসরণ করে দেখতে পারেন। ব্রাট

ডায়েট হল কলা, ভাত, আপেলের সস ও টোস্ট—এই
চার ধরনের খাবার নিয়ে করা একধরনের ডায়েট। ডায়রিয়া
হলে সাধারণত এই ধরনের ডায়েটে সফল মেলে। নরম
খাবারের সঙ্গে সঙ্গে লবণযুক্ত বিস্কুট (স্টেক্স বিস্কুট) খেতে
পারেন। তবে, যা-ই খান, তা হতে হবে পরিমিত।

৩. ঘরোয়া প্রতিকার

খাদ্যের বিষক্রিয়ার সময় ক্ষতিকারক ব্যাকটেরিয়া
নির্মূল করাই মূল লক্ষ্য। তাই এই সময় আদা চা, দই বা

প্রোবায়োটিক ক্যাপসুল খাওয়া জরুরি ও উপকারী।
কারণ এগুলো শরীরে স্বাস্থ্যকর ব্যাকটেরিয়া
পুনরুজ্জীবিত করতে সাহায্য করে।

৪. যা খাবেন না

কিছু কিছু খাবার ফুড পয়জনিংকে আরও তীব্র করে
তুলতে পারে। তাই এই জাতীয় খাবার এড়িয়ে চলাই শ্রেয়।
তাই অ্যালকোহল, ক্যাফেইন বা সোডা জাতীয় পানীয়
যেমন এনার্জি ড্রিংকস, কফির মতো পানীয়গুলি এড়িয়ে
চলা উচিত। উচ্চ ফাইবারযুক্ত খাবার যেমন
অ্যাভোকাডো, ব্রকলি, মটরশুটি, পুরো শস্য,
বাদামি চাল ইত্যাদি। এছাড়াও অতিরিক্ত বালু বা
অতিরিক্ত মশলাযুক্ত খাবার ফুড পয়জনিং-এর
সময় পেটে জ্বালায় মতো অনুভব তৈরি করে।
তাই এসব খাবার না খাওয়াই ভালো। এসময়
পনির এবং আইসক্রিমের মতো দুধ থেকে তৈরি
খাবারও এড়িয়ে চলুন।

৬. লক্ষণ পর্যবেক্ষণ

সংক্রমণের উৎসের ওপর ভিত্তি করে ফুড
পয়জনিংয়ের লক্ষণ হতে পারে নানা রকম।
ফুড পয়জনিং হলে সাধারণত তলপেটের
মাংসপেশিতে ব্যথা করে। বমি বমি ভাব, বমি
হওয়া, ডায়রিয়া, দুর্বলতা, জ্বর ও ক্ষুধামন্দ্য—
এই লক্ষণগুলো দেখা দিতে পারে। পাশাপাশি
আরও কিছু লক্ষণও দেখা যায়। লক্ষণগুলি ঠিক
কী কী, সময়ের সঙ্গে সঙ্গে সেগুলোর মাত্রা কী
রকম, সেদিকে ভালো করে খেয়াল রাখুন।



সফট ড্রিংক নয়

সারাদিন ধরে নিয়মিত জল
পান করুন, তাতে আপনার
তৃষ্ণার মাত্রা যাই হোক না
কেন। ঠান্ডা জলের একটি
বোতল সঙ্গে রাখুন এবং
সুযোগ পেলেই তা রিফিল
করুন। খনিজ পদার্থের মাত্রা
বজায় রাখার জন্য লবণ এবং
চিনির ইলেক্ট্রোলাইট পানীয়,
ডাবের জল অথবা লেবুর
শরবতও খেতে পারেন।
এছাড়াও সফট ড্রিংক এবং
অ্যালকোহল এড়িয়ে চলুন,
কারণ এগুলো আমাদের
সতেজ করে তোলার চাইতে
শুষ্ক করে তোলে।

গরমের পোশাক

গরমের সময় আপনার
পোশাক স্টাইলের জন্য নয়; এটি
একটি বৈধ থাকার কৌশল। সুতি
বা লিনেন জাতীয় টিলেঢালা,
হালকা কাপড় পরুন। হালকা
রঙের পোশাক পরুন যা সূর্যের
আলো প্রতিফলিত করে। স্ফার্ফ,
ক্যাপ বা টুপি আপনার মাথা এবং
ঘাড়কে সরাসরি সূর্যের আলো
থেকে রক্ষা করবে। যদি সম্ভব হয়
তাহলে একটি ছাতা সঙ্গে রাখুন।
এমন সিঙ্গেটিক কাপড় এড়িয়ে
চলুন যা তাপ শোষণ করে শরীরের
তাপমাত্রা বাড়িয়ে তোলে এবং
অস্বস্তি সৃষ্টি করতে পারে।



পিক হিট এড়িয়ে চলুন

সূর্যের রশ্মি সবচেয়ে বেশি থাকলে
সকাল ১১টা থেকে বিকেল ৪টার
মধ্যে ভ্রমণ এড়িয়ে চলুন।
যখন সম্ভব হয়, আপনার
অ্যাপয়েন্টমেন্ট, কাজ,
এমনকী বেড়ানোর সময়ও
বদলে ফেলুন। যখন রোদ
ও গরম কমে আসবে,
সেই সময় কাজ রাখুন।

সানস্ক্রিন

দীর্ঘক্ষণ রোদে থাকা
কেবল হিটস্ট্রোকের
ঝুঁকিই ডেকে আনে না;
এটি আপনার ত্বকের
মারাত্মক ক্ষতি করতে
পারে। একটি ব্রড-স্পেকট্রাম
সানস্ক্রিন (এসপিএফ ৩০ বা
তার বেশি) ব্যবহার করুন, এবং
প্রতি কয়েক ঘণ্টা পরপর পুনরায়
লাগাতে ভুলবেন না।



বিশ্রাম জরুরি

গরমে বেড়াতে গিয়ে কম
খাওয়ার পাশাপাশি পর্যাপ্ত বিশ্রাম
নেওয়াও গুরুত্বপূর্ণ। কোনও
কারণে শরীর খারাপ হলে
প্রয়োজনের চেয়ে বেশি হাঁটাচলা
করবেন না। ফুড পয়জনিং হলে
দিনের গুরুত্বপূর্ণ একটা সময়
টয়ালেটেই কেটে যায়। তাই
টয়ালেটের বাইরে থাকার সময়টা
যতটা পারা যায় বিছানায় থেকে
বিশ্রাম নিতে চেষ্টা করুন। আর
শরীরের তাপমাত্রা বাড়ছে কিনা,
সে বিষয়েও খেয়াল রাখুন।



ঠান্ডা থাকার ফান্ডা

গরমে রোমকুপের মুখ খুলে যায়, ফলে ঘাম হয় বেশি। তাই, বাইরে বের হলে যতটা
সম্ভব সুরক্ষা নিয়েই বের হতে হবে। ত্বক ঠান্ডা রাখার জন্য বেশি বেশি জল পান
করতে হবে। পরতে হবে টিলেঢালা পোশাক। ত্বক ঠান্ডা রাখবে, এমন উপকরণ
ব্যবহার করতে হবে। সকাল ১০টা থেকে বিকেল ৪টা পর্যন্ত প্রয়োজন না হলে
রোদে যাবেন না। যদি যেতেই হয়, ছাতা, রোদচশমা, জলের বোতল, রুমাল,
হ্যান্ডফ্যান, সানস্ক্রিনের মতো জিনিসগুলো ঠিকমতো ব্যবহার করুন।

শুষ্ক ত্বকের সমস্যা

শুষ্ক ত্বক, এ সময় সাধারণ ত্বকের মতো হয়ে যায়। বিষয়টি অবশ্যই ভালো। অনেকে
অভিযোগ করেন, ত্বকে বাড়তি শুষ্কতা দেখা দেয় এ সময়। একটা কারণ, অনেকটা
সময় শীতাতপনিয়ন্ত্রিত ঘরের মধ্যে থাকা। আরেকটি হল কম জল পান। কখনও
কখনও আবহাওয়ার কারণেও এমনটা হতে পারে। গরম ভেবে ত্বকে ক্রিম না
লাগানো বা যথাযথ যত্ন না নেওয়ার কারণেও সমস্যা দেখা দেয়। শুষ্ক ত্বকে দানা দানা
হলে বা চামড়া উঠলে অ্যালোভেরা বা ঠান্ডা গোলাপ জল ব্যবহার করতে পারেন।

তৈলাক্ত ত্বকের সমস্যা

তৈলাক্ত ত্বকের সমস্যা বেশি হয় এ সময়। এ ধরনের ত্বকে যেন তেল না জমতে
পারে, সেদিকে খেয়াল রাখুন। ছবি তোলার আগে ভালোভাবে মুখটা মুছে নেন,
ছবিতে যেন তেল চকচকে চেহারা ফুটে না ওঠে। অন্যান্য সময়ও এটা মাথায়
রাখতে হবে। সকালটা শুরু করতে পারেন বরফ ব্যবহার দিয়ে। বিষয়টি কষ্টকর
হলেও উপকারী। ১০ সেকেন্ড করে ৫-৬ বার চেহারা বরফের বোলে ডুবিয়ে রাখুন।



এই প্রথম সিঁথিতে সিঁদুর নিয়ে কানে

তিনি মিস ওয়ার্ল্ড। তিনি পদার রূপ কী রানি।
তিনি অভিষেক ঘরানী। একইসঙ্গে ‘কানের
রানি’। তিনি ঐশ্বর্য রাই বচ্চন। ২০০২ থেকে
প্রতিবছর কানের লাল গালিচায় পা পড়ে
তাঁর। কিন্তু এই প্রথম শাড়ি-সিঁদুরে তিনি
সকলের মনোযোগ কেড়ে নিয়েছেন।
এ বছর ঐশ্বর্য রাইকে দেখা গেল মনীয়
মালহোত্রার নকশা করা সোনালি পাড়ের
আইভরি রঙের বেনারসিতে। শাড়ির
সঙ্গে ম্যাচ করা টিস্যু কাপড়ের জমকালো
ওড়না। শাড়ির সৌন্দর্যকে বাড়িয়ে তুলেছিল
অনেকখানি। উল্লেখ্য, ‘দ্য হিস্ট্রি অব সাউন্ড’
সিনেমার প্রিমিয়ারে দেখা দিয়েছিলেন
অভিনেত্রী। ২০০২ থেকে কানের লাল
গালিচায় দেখা গেলেও এই প্রথম সিঁথিতে
সিঁদুরসহ দেখা দিলেন তিনি। চুলগুলো
দু-পাশে ছড়িয়ে এবং শাড়ির সঙ্গে বেশ
মানানসই।

সিঁদুরের ভেতর দিয়ে যেন চলমান বিচ্ছেদের
শুঙ্কনে ‘ফুলস্টপ’ দিলেন সাবেক এই
বিশ্বসুন্দরী। সেইসঙ্গে, শাড়ি আর ওড়নার
সঙ্গে হিরে, সোনা ও রুবির দিয়ে তৈরি
নেকলেস সোয়ারিং করে পরেছিলেন
তিনি। এই সাজও মনীয় মালহোত্রার
জুয়েলারি থেকে তাঁর প্রাপ্তি।

ভক্ত ও সমালোচকদের অনেকের
মতে এটিই কানের গালিচায়
ঐশ্বর্যর সর্বকালের সেরা লুক।
অনেকে পাকিস্তানের বিরুদ্ধে
‘অপারেশন সিঁদুর’ প্রসঙ্গও তুলে
ধরেছেন ঐশ্বর্যর এই সাজ দেখে।
দেশের গর্বের কথা এভাবে ফ্যাশনের
মাধ্যমে তুলে ধরাকে কুর্শি জানিয়েছেন
বহু দেশপ্রেমী নেটিজেন।

টক দইয়ের অম্বল



যা যা লাগবে

টক দই ২ কাপ, ডুমো ডুমো করে কাটা
বেগুন ১ কাপ, সর্ষে অল্প পরিমাণ, পেঁয়াজবাটা
১ চা-চামচ, লবণ পরিমাণমতো, চিনি ১ টেবিল চামচ,
সর্বের তেল অল্প।

যেভাবে তৈরি করবেন

ডুমো ডুমো করে কাটা বেগুন ভেজে তুলে রাখুন। দই
অল্প জলে ভালোভাবে গুলে নিতে হবে। কোনও রকম
দানা দানা ভাব যেন না থাকে। এরপর সর্ষে ফোড়ন দিয়ে
পেঁয়াজবাটা হালকা করে ভেজে নিতে পারেন। গোলাদো
দই ঢেলে দিন। লবণ ও চিনি দিন। ফুটে উঠলে ভাজা
বেগুনগুলো দিয়ে নামিয়ে নিন। দই বেশি ফুটতে থাকলে
ফেটে গিয়ে ছানা কেটে যাবে। সেদিকে লক্ষ রাখুন। আর
এবার গরম ভাতের সঙ্গে পরিবেশনের পালা।



জমির পথে কৃষক। দূরে দেখা যায় প্রেমের তাজ। শুক্রবার।

নিয়ম মেনে ঋণ, জানাল আইএমএফ

ভারতের নজর এবার

এফএটিএফ-বিশ্বব্যাংকে

নয়াদিল্লি, ২৩ মে : ঋণ মঞ্জুর করার আগে পাকিস্তানকে বেশ কিছু শর্ত পূরণ করতে বলা হয়েছিল। তারা সব শর্ত মেনে পদক্ষেপ করেছে। সেই কারণে পাকিস্তানকে বড় অঙ্কের ঋণ মঞ্জুর করা হয়েছে। বৃহস্পতিবার একথা জানিয়েছে আন্তর্জাতিক অর্থভান্ডার (আইএমএফ)। তবে সন্ত্রাসবাদে মদত দেওয়ার অভিযোগে আন্তর্জাতিক মঞ্চে পাকিস্তানকে কোণঠাসা করার চেষ্টা চালিয়ে যাচ্ছে ভারত। সুত্রের খবর, এ ব্যাপারে বিশ্বব্যাংক ও সন্ত্রাসবাদবিরোধী পর্ববেক্ষক সংস্থা এফএটিএফের কতাদের সঙ্গে ভারতীয় কূটনীতিকদের আলোচনা শুরু হয়েছে।

■ **জুন মাসে পাকিস্তানের জন্য ২০ বিলিয়ন ডলারের ঋণ মঞ্জুর করার কথা বিশ্বব্যাংকের**

■ **সেই ঋণদান ঠেকানোকেই এখন পাখির চোখ করেছে ভারত**

■ **পাকিস্তানকে ফের এফএটিএফের নিষেধাজ্ঞার আওতায় আনার চেষ্টায় দিল্লি বিশ্বব্যাংকের**

■ **শর্ত মানতে ঋণ পেয়েছে পাকিস্তান দাবি আইএমএফ-এর**

থেকে বেরিয়ে আসার পর আর্থিক সংস্থাগুলি ফের তাদের ঋণ দিতে শুরু করেছে। যে ঋণের একাংশ ঘূরণখে জঙ্গিগোষ্ঠীগুলির কাছে চলে যাচ্ছে বলে ভারতের অভিযোগ।

অ্যাপলকে ফের হুঁশিয়ারি ট্রাম্পের



ওয়াশিংটন, ২৩ মে : আমেরিকায় যে আইফোন বিক্রি করা হবে, তা আমেরিকাতেই বানাতে হবে। ভারত বা অন্য কোনও দেশে বানালে চলবে না। অন্য দেশে তৈরি আইফোন আমেরিকায় বিক্রি করলে সে ক্ষেত্রে অন্তত ২৫ শতাংশ শুল্ক চাপানো হবে। ফের অ্যাপলকে হুঁশিয়ারি দিলেন মার্কিন প্রেসিডেন্ট ডোনাল্ড ট্রাম্প।

শুক্রবার ট্রাম্প জানান, তিনি অ্যাপলের কর্ণধার টিম কুককে আগেই জানিয়ে দিয়েছিলেন, যদি তিনি আমেরিকায় আইফোন বিক্রি করতে চান, তাহলে সেই আইফোন আমেরিকাতেই তৈরি করতে হবে।

সম্প্রতি ট্রাম্প জানিয়েছিলেন, ভারতে আর অ্যাপলের জিনিস তৈরি না করার জন্য তিনি পরামর্শ দিয়েছেন অ্যাপল কর্ণধার কুককে। মার্কিন প্রেসিডেন্ট জানান, তিনি কুককে বলেছিলেন, ‘আমি শুনছি আপনি ভারতে জিনিস তৈরি করছেন। আমি চাই না আপনি ভারতে জিনিস তৈরি করুন...। আমি টিমকে বলেছি, আমরা আপনাদের সঙ্গে ভালোই ব্যবহার করছি। বছরের পর বছর ধরে আপনারা চিনে যে উৎপাদনকেন্দ্র তৈরি করেছেন, তা আমরা সহ্য করছি। কিন্তু আপনারা ভারতে যে কারখানা তৈরি করছেন, তা আমাদের পছন্দ নয়। ভারত নিজেই নিজজেদের খেয়াল রাখতে পারে এবং তারা বেশ ভালো ভাবেই চলছে।’

যদিও সুত্রের খবর, ভারতে বিনিয়োগের বিষয়ে অ্যাপলের আগে যা পরিকল্পনা ছিল, তাই রয়েছে। অ্যাপলের জিনিস তৈরির জন্য অন্যতম বড় উৎপাদনকেন্দ্র হিসাবে ভারতকেই পছন্দ করে এই আমেরিকান বহুজাতিক প্রযুক্তি সংস্থা।

অপারেশন সিঁদুরে সাহসিকতার স্বীকৃতি

নিজস্ব সংবাদদাতা, নয়াদিল্লি, ২৩ মে : শুক্রবার নয়াদিল্লির বিজ্ঞান ভবনে অনুষ্ঠিত বিএসএফ ইনভেস্টিচার সেরিমন্ডিতে বাহিনীর ২৬ জন সদস্যকে পদক দিয়ে সম্মানিত করলেন স্বরাষ্ট্রমন্ত্রী অমিত শা। ৪ জন পেলেন পুলিশ মেডেল ফর গ্যালান্টি, ২২ জন মেরিটোরিয়াস সার্ভিস পদক।

অনুষ্ঠানে ডিজি বিএসএফ দলজিৎ সিং চৌধুরী অপারেশন ‘সিঁদুর’-এ সীমান্তরক্ষী বাহিনীর কৃতিত্ব তুলে ধরেন। তিনি জানান, পৃথিব্যায় হামলার পর বিএসএফ পশ্চিম সীমান্তে একাধিক ড্রোন হামলা রুখে দেয় এবং পাক সেনা ও রেঞ্জার্সের গোলা-গুলির জবাব দেয়। এতে এক বিএসএফ ও এক সেনা জওয়ান শহিদ হন, আহত হন সাতজন। ডিজি বিএসএফ জাতীয় নেতৃত্ব ও ভারতীয় সেনাবাহিনীকে কৃতজ্ঞতা জানান অপারেশন সিঁদুরে বিএসএফ-এর অবদানের স্বীকৃতির জন্য। তিনি আরও বলেন, হস্তিশগড় ও ওডিশায় মাওবাদী দমনে এবং দেশের অভ্যন্তরীণ নিরাপত্তা রক্ষায় বিএসএফ যে দায়িত্বশীল ভূমিকা পালন করছে তা প্রশংসনীয়।

স্বরাষ্ট্রমন্ত্রী অমিত শা বলেন, ‘বিএসএফ সীমান্তে থাকলে দেশবাসী নিশ্চিন্ত ঘুমোতে পারেন।’

বিএসএফের অনুষ্ঠানে আধিকারিকে পুরস্কৃত করছেন অমিত শা।

রাহুলের নিশানায় মোদি-জয়শংকর

বিশেষ অধিবেশনের দাবি মমতার

নিজস্ব সংবাদদাতা, নয়াদিল্লি, ২৩ মে : অপারেশন সিঁদুর নিয়ে প্রধানমন্ত্রী নরেন্দ্র মোদির গরমাগরম বিবৃতির মধ্যেই সংসদের বিশেষ অধিবেশনের দাবিতে এবার সরব হলেন মুখ্যমন্ত্রী মমতা বন্দ্যোপাধ্যায়। তাঁর সাফ কথা, ‘প্রতিনিধি দল দেশে ফিরে আসার পর অবিলম্বে সংসদের একটি বিশেষ অধিবেশন ডাকা হোক, যাতে অন্য কেউ জানার আগে দেশের সাধারণ মানুষ সর্বপ্রথম জানতে পারেন সাম্প্রতিক সংঘর্ষ ও বর্তমান পরিস্থিতি সম্পর্কে।’ এর আগে বিশেষ অধিবেশনের দাবি তুলেছে লোকসভার বিরোধী দলনেতা রাহুল গান্ধি, কংগ্রেস সভাপতি মল্লিকার্জুন খাড়াওও বিশেষ অধিবেশনের দাবি তুলেছিলেন। যদিও তাতে কেন্দ্রীয় সরকার সাড়া দেয়নি।

তৃণমূলনেত্রী এদিন যেভাবে তিনি তাঁর পোস্টে ‘অন্য কেউ’ শব্দের ওপর জোর দিয়েছেন তাতে প্রশ্ন উঠেছে, এই ‘অন্য কেউ’-টা কে তা নিয়ে। যদিও সেই সম্পর্কে মমতা বন্দ্যোপাধ্যায় পোস্টে কোনও ব্যাখ্যা দেননি। তবে পর্ববেক্ষকদের

একাংশের অনুমান, মমতার ইঙ্গিত আমেরিকার প্রেসিডেন্ট ডোনাল্ড ট্রাম্পের দিকেই। কারণ, ভারত-পাক সংঘর্ষ বিরতির কথা প্রথম প্রকাশ্যে এনেছিলেন তিনিই। বিষয়টি নিয়ে বিরোধীরা ইতিমধ্যেই সুর চড়িয়েছে। এদিকে বৃহস্পতিবার রাজস্থানের বিকানের মোদির রক্ত নয়, সিঁদুর ভাষণের জবাবে লোকসভার বিরোধী দলনেতা রাহুল গান্ধি কেন্দ্রীয় সরকারের বিদেশনীতি নিয়ে সরাসরি প্রশ্ন তুলেছেন। প্রধানমন্ত্রীকে বিধে এগ্ন হ্যাভেলে তিনি লিখেছেন, ‘মোদিজি ফাঁপা ভাষণ দেওয়া বন্ধ করুন। শুধু বলে দিন সন্ত্রাসবাদ নিয়ে আপনি পাকিস্তানের কথায় ভরসা রাখলেন কেন? ট্রাম্পের সামনে মাখানত করে আপনি ভারতের হিতের বলি দিলেন কেন? শুধুমাত্র ক্যামেরার সামনে আপনার রক্ত গরম হয় কেন? আপনি ভারতের স্বামনের সঙ্গে সমঝোতা করে ফেললেন।’ কেন্দ্রীয় বিদেশমন্ত্রী এসে জয়শংকরকেও ফের আক্রমণ করেন রায়বেরেলির সাংসদ। তাঁর তোপ, ‘পাকিস্তানের সঙ্গে ভারতকে



প্রতিনিধি দল দেশে ফিরে আসার পর অবিলম্বে সংসদের একটি বিশেষ অধিবেশন ডাকা হোক, যাতে অন্য কেউ জানার আগে দেশের সাধারণ মানুষ সর্বপ্রথম জানতে পারেন সাম্প্রতিক সংঘর্ষ ও বর্তমান পরিস্থিতি সম্পর্কে।

মমতা বন্দ্যোপাধ্যায়

একই বন্ধনীতে রাখা হয়েছে? কেন কোনও দেশ পাকিস্তানের নিন্দায় আমাদের পাশে দাঁড়াল না? ট্রাম্পকে ভারত ও পাকিস্তানের মধ্যে মধ্যস্থতা করতে বলেছিল কে? ভারতের বিদেশনীতি মুখ খুবড়ো পড়েছে।’

রাহুলের এই আক্রমণের জবাবে বিজেপি তাঁর বিরুদ্ধে ভারত ও তার সশস্ত্র বাহিনীর মনোবল দুর্বল করার অভিযোগ তুলেছে। দলের নেতা গৌরব ভাটিয়া তাকে নিশান-ই-পাকিস্তান বলেও তোপ দেগেছেন। প্রধানমন্ত্রী নরেন্দ্র মোদিকে ঘৃণা করতে গিয়ে রাহুল ১৪০ কোটি ভারতীয়কে ঘৃণা করতে শুরু করেছেন তিনি। এরই মধ্যে জামানির বিদেশমন্ত্রী জেহান ওয়েডহুল সন্ত্রাসবাদের বিরুদ্ধে লড়াইয়ে ভারতের আত্মরক্ষার অধিকার আর বলে জানিয়েছেন। বার্লিনে শুক্রবার তাঁর সঙ্গে মুখা করেন জয়শংকর। তিনি জানিয়েছেন, ‘সন্ত্রাসবাদের বিরুদ্ধে যুদ্ধে ভারত জিরো টলারেন্স নীতি নিয়েছে। ভারতকে পরমাণু হামলার গ্ল্যাকমেল করা যাবে না।’ এদিন কেন্দ্রের তরফে

সর্বদলীয় প্রতিনিধি দল পাঠানোকে সমর্থন করেছেন মুখ্যমন্ত্রী মমতা বন্দ্যোপাধ্যায়। তিনি লিখেছেন, ‘সন্ত্রাসবাদের বিরুদ্ধে ভারতের বিশ্বব্যাপী কূটনৈতিক প্রচেষ্টায় সর্বদলীয় প্রতিনিধি দলকে বিদেশ সফরে পাঠানো নিঃসন্দেহে প্রশংসনীয়। আমি আগেও বলেছি, দেশের সার্বভৌমত্ব রক্ষায় যেকোনো পদক্ষেপে সর্বদা কেন্দ্রের পাশে থাকবে তৃণমূল কংগ্রেস।’ ভারতের প্রতিনিধিদলগুলির একটি বর্তমানে জাপানে রয়েছে। তারা সদস্য তৃণমূলের সর্বভারতীয় সাধারণ সম্পাদক অভিষেক বন্দ্যোপাধ্যায়। এদিন তিনি টোকিওর ইয়াসুকুনি মন্দিরে বিচারপতি রাধাবিনোদ পাল এবং স্বাধীনতাসংগ্রামী রাসবিহারী বসুর প্রতি শ্রদ্ধা নিবেদন করেন। রাসবিহারী বসুর সমাধিস্থলের রক্ষাবাবেক্ষণের অভাব নিয়ে উদ্বেগ প্রকাশ করে বিষয়টি সংশ্লিষ্ট কর্তৃপক্ষের নজরে আনার জন্য জাপানে ভারতের রাষ্ট্রদূত ও দূতাবাসকে অনুরোধও করেছেন তিনি।



রুশ আধিকারিকদের সঙ্গে বৈঠকে কানিমোখির দল। মস্কোতে।

ড্রোন হামলায় পথে হল দেরি

মস্কো, ২৩ মে : অপারেশন সিঁদুরের সাফল্য ও পাকিস্তানের মুখোশ খুলে দিতে বেরিয়ে বড়সড়ো ফাঁড়া এড়াল কেন্দ্রের একটি সর্বদলীয় প্রতিনিধিদল। ডিএমকে সাংসদ কানিমোখির নেতৃত্বাধীন প্রতিনিধিদল বৃহস্পতিবার মস্কোয় এসেছোয়। কিন্তু কানিমোখিদের বিমানটি অবতরণ করার আগেই ইউক্রেনের ড্রোন হামলায় মস্কোর ডোমোডোভোডো আন্তর্জাতিক বিমানবন্দর সাময়িকভাবে বন্ধ করে দেওয়া হয়। ফলে মাঝ আকাশেই কানিমোখিদের বিমানটি চক্রর কাঁচে থাকে। বেশ কিছুক্ষণ ওই বিমানবন্দরে ঘুরোয়া ও আন্তর্জাতিক বিমান ওড়ানামা বন্ধ থাকে। পরে অবশ্য ফাঁড়া কেটে যায়। বিমানবন্দরে কর্তৃপক্ষের তরফে সবুজ সংকেত পেয়ে কানিমোখিদের বিমানটি অবতরণ করে। প্রতিনিধিদলকে স্বাগত জানান মস্কোর ভারতীয় দূতাবাসের আধিকারিকরা। বিমানবন্দর থেকে নিরাপত্তা বলয়ে মুড়ে সাংসদদের হোটেল নিয়ে যাওয়া হয়। পরে চেয়ার অফ দ্য স্টেট ডুমা কমিটি অন ইন্টারন্যাশনাল অ্যাক্সেসার্স লিওনিদ স্লাভস্কির সঙ্গে দেখা করে প্রতিনিধিদলটি। কানিমোখির দলটি রাশিয়ার পাশাপাশি গ্রিস, স্পেন, স্লোভেনিয়া এবং লাটভিয়ায় যাবে।

মুনিরকে কটাক্ষ ইমরানের

ইসলামাবাদ, ২৩ মে : পাকিস্তানের সেনাবাহিনীর ইতিহাসে আয়ুব খানের পর দ্বিতীয় ফিল্ড মার্শাল হিসেবে পদোন্নতি হয়েছে জেনারেল আসিম মুনিরকে। তাঁর এই পদোন্নতিকে তাঁর ভাষায় কটাক্ষ করেছেন জেলবন্দি পাকিস্তানের প্রাক্তন প্রধানমন্ত্রী ইমরান খান। পাশাপাশি পাকিস্তানের প্রধানমন্ত্রী শাহবাজ শরিফের সরকারকেও বিবেছেন তিনি। বৃহস্পতিবার ইমরান এগ্ন হ্যাভেলে লিখেছেন, ‘মাশা আল্লাহ, জেনারেল আসিম মুনিরকে ফিল্ড মার্শাল করা হয়েছে। তবে আমি মনে করি, ওঁকে রাজা উপাধি দিলেই বরং বেশি ভালো হত। কারণ, এখন দেশটা জঙ্গলের আইন অনুযায়ী চলেছে। আর জঙ্গলে তো একজনই রাজা থাকেন।’ ভারতের সঙ্গে সংঘর্ষে তাঁর ভূমিকার প্রশংসা করে গত মঙ্গলবার শাহবাজ শরিফের সরকার আসিম মুনিরকে ফিল্ড মার্শাল পদে নিয়োগ করে। ইমরান বুঝিয়ে দিয়েছেন, শাহবাজ শরিফ ক্ষমতায় থাকলেও দেশে সমান্তরাল সরকার চালাচ্ছে মুনিরই। পাকিস্তানি সেনার সঙ্গে তাঁর কোনও গোপন বোঝাপড়া হয়নি বলেও দাবি করেছেন পাকিস্তানের বিক্ষোভ বিজ্ঞপ্তি ক্যাপ্টেন। তবে পাকিস্তানের স্বার্থে সেনাবাহিনীকে তাঁর সঙ্গে আলোচনার বসার আমন্ত্রণ জানিয়ে রেখেছেন তিনি।



সে যে চমকে বেড়ায়, দৃষ্টি এড়ায়...

শুক্রবার কাজিরাঙ্গাল।

জঙ্গি নেতার সুরে ভারতকে হুমকি

নয়াদিল্লি, ২৩ মে : পাকিস্তানি সেনাবাহিনী এবং ভারত বিরোধী জঙ্গি সংগঠনগুলি যে হরিহর আত্মা সেটা ফের প্রমাণ করে দিলেন লেফটেন্যান্ট জেনারেল আহমেদ শরিফ চৌধুরী। পাকিস্তানের ডিজি-আইএসপিআর (ডিরেক্টর জেনারেল ইন্টার সার্ভিসেস পাবলিক রিলেশনস) সেদেশের একটি বিশ্ববিদ্যালয়ের অনুষ্ঠানে ভারতের সিন্ধু জলাচুক্তি স্থগিত রাখার সিদ্ধান্তের জবাবে বলেছেন, ‘আপনারা যদি আমাদের জল বন্ধ করে দেন তাহলে আমরা আপনাদের নিঃশ্বাস নেওয়া দিয়ে রক্ত বইবে।’ সিন্ধু দিয়ে হয় জল বইবে নয়তো রক্ত প্রবাহিত হবে বলে ভারতকে তোপ দেগেছিলেন বিলাওয়াল ভুট্টো জারদারিও।

পহলগাম হামলার জবাবে ভারত সিন্ধু জলাচুক্তি স্থগিত করে দিয়েছে। বৃহস্পতিবার প্রধানমন্ত্রী

নরেন্দ্র মোদি রাজস্থানের বিকানের আরও একবার নিজেকে অবশ্য স্পষ্ট করে দিয়ে বলেছিলেন, ‘পাকিস্তানের সঙ্গে আলোচনা হবে শুধুমাত্র পাক অধিকৃত কাশ্মীর নিয়ে। অন্য কিছু নিয়ে নয়।’ অপারেশন সিঁদুর এবং কূটনৈতিক প্রত্যাহাতের জেরে পাকিস্তানের প্রধানমন্ত্রী শাহবাজ শরিফ দু-দিন আগে ভারতের সঙ্গে কাশ্মীর, জল, বাণিজ্য ও সন্ত্রাসবাদ নিয়ে আলোচনায় বসার ইচ্ছাপ্রকাশ করেছিলেন। কিন্তু তাঁর দেবার ডিজি-আইএসপিআর বোঝাবে জঙ্গি নেতার সুরে সুর মিলিয়ে ভারতকে শ্বাসরুদ্ধ করে

দেওয়ার হুমকি দিয়েছেন তাতে পাকিস্তানের চাল-চরিত্র-চেহারা স্পষ্ট হয়ে গিয়েছে।

ঘটনা হল, লেফটেন্যান্ট জেনারেল আহমেদ শরিফ চৌধুরী বাবা সুলতান বসিরুদ্দিন মেহমুদ ছিলেন আলাকায়দা সুপ্রিমো ওসামা বিন লাদেনের ঘনিষ্ঠ সহযোগী। কাজেই পাকিস্তান যতই নিজেরে সন্ত্রাসবাদের শিকার বলে কুত্তীরাশ্রম বিসর্জন করুক, হাফিজ সদ্দীদ এবং পাক সেনাকর্তার একই সুরে ভারতকে হুমকি দেওয়া থেকে পরিত্যক্ত, জঙ্গিদের শোখানো বুলিই আওড়াচ্ছে পাকিস্তান সেনাবাহিনী।

নজর টানছে বেগুনফুলি

বাবাই দাস

তুফানগঞ্জ, ২৩ মে : পাকা আমের গন্ধে ম-ম করছে তুফানগঞ্জ। গরম পড়তেই শহরের ফলপট্রিতে দেখা মিলেছে বিভিন্ন আমের। গন্ধের টানে হাতিয়ে হাতিয়ে তা কিনেও ফেলছেন আমজনতা। রানিরহাট ফলপট্রিতে খোঁজ নিতেই দেখা গেল, ফলের দোকানগুলিতে আমের রাজত্ব চলছে। তার মধ্যে দক্ষিণ ভারতের বেগুনফুলি, গোলাপখাস, পাকুরম্যান আমও রয়েছে। বেগুনফুলি অন্ধপ্রদেশের আম। জমিট শাস। ভালোভাবে পাকলে কেটে ঠাণ্ডা করে কাটা চামচে খেতে খুবই ভালো! টক-মিষ্টির এক কসাইভু চনমনে স্বাদ। এমন স্বাদ সাধারণত অতি মিষ্টি বাংলার আমে থাকে না। আর আন্তর্জাতিক ফল বাজারে খুব মিষ্টি আমকে খুব একটা তোলা দেওয়া হয় না। তাই এই আমের চাহিদাও বেশ ভালো।



তুফানগঞ্জের ফলপট্রিতে মনপসন্দ আম বাছাই। -সংবাদচিত্র

চরমম্নে স্বাদ

- বেগুনফুলি অন্ধপ্রদেশের আম, এতে জমিট শাস থাকে
- পাকলে কেটে ঠাণ্ডা করে কাটা চামচে খেতে খুবই ভালো
- এরকম টক-মিষ্টির

কসাইভু চনমনে স্বাদ বাংলার আমে থাকে না

■ আন্তর্জাতিক বাজারে খুব মিষ্টি আমের কদর কম বরং চাহিদা ভালো এই আমের



বাবাসায়ীদের একাংশের দাবি, প্রতিবছর গরমের সময় আমের চাহিদা থাকে তুলে বিশেষ করে ল্যাংড়া ও লক্ষণভোগ। কিন্তু মালদার আম বাজারে আসতে প্রতিবারই কিছুটা দেরি হয়। তাই মালদার আম এখনও না মিললেও চেমাইয়ের আমই আপাতত ভরসা। এর মধ্যে কুন্ডনগরের হিমসাগর আম বাজারে আসা শুরু হয়েছে। এককথায় যষ্ঠীর সময় জামাইয়ের পাতে মালদার আম পড়তে চলেছে।

ফল ব্যবসায়ী রঞ্জিত দাসের কথায়, 'পাকুরম্যান ৮০ টাকা কেজি দরে, বেগুনফুলি ও গোলাপখাস ৯০

টাকা কেজি দরে বিক্রি হচ্ছে।' অপর ফল ব্যবসায়ী বিপ্লব বর্মন বলেন, 'এ সময় তাই নতুন ফল হিসেবে আমের চাহিদা রয়েছে। আমের দ্বিতীয় প্রতিদ্বন্দ্বী নেই। তাই মালদার আম না এলেও চেমাইয়ের আমেই

মজেছেন তুফানগঞ্জবাসী।' এদিকে, কেবলে সবার আগে আম পাকবে। এরপর একে একে দক্ষিণ ভারতের অন্য রাজ্যে আম পাকতে থাকে। তাই দক্ষিণ ভারতের আমই বাংলার বাজার দখল করতে

চায়। এই প্রবণতা ইদানীং বেড়েছে। তুফানগঞ্জের বাসিন্দা দীপক মজুমদার বলেন, 'আম বরাবরই প্রিয় ফল, তবে মালদার আমের চাইতে ভালো আম কিছু হয় না। তাই চেমাইয়ের আম বাড়িতে আনলেও তাতে মনের সাধ মেটেনি। অগত্যা অপেক্ষা ছাড়া উপায় নেই।' এদিন ছেলেকে দাঁড় করিয়ে গন্ধ শুঁকে আম দেখছিলেন নাককাটি গাছ এলাকার সুকুমার দাস। জানালেন, বেদানা কিনতে বাজারে ঢুকলেও আম দেখে লোভ সামলাতে পারলেন না। তবে মালদার আম এখনও বাজারে ঢোকেনি। মরশুমের দক্ষিণ ভারতের অন্য রাজ্যে আম আবদারে বাধ্য হয়ে গোলাপখাস আমই নিলাম।

টোপ শহরে

■ কোচবিহার হেরিটেজ নাট্যমেলার তৃতীয় দিনে রবীন্দ্র ভবনে সন্ধ্যায় নেহাটি ব্রাত্যজন প্রযোজিত নাটক 'আনন্দ'।

■ দুপুর তিনটে থেকে আচার্য ব্রজেননাথ শীল কলেজের হলঘরে সম্মাননা প্রদান এবং অরুণেশ ঘোষ স্মারক বক্তৃতা।

■ মহারাজা নৃপেন্দ্রনারায়ণ উচ্চবিদ্যালয়ের সভাপতি বিকাল ৪.৩০ মিনিটে নতুন গোলাচুট পত্রিকা আয়োজিত গ্রন্থপ্রকাশ ও সাংস্কৃতিক অনুষ্ঠান।

■ তুফানগঞ্জ নিউ প্রগতি সংঘের নারীশক্তি বাহিনীর তরফে বিভিন্ন ও অফিসের সামনে বিকেল ৩টায় রবীন্দ্র জয়ন্তী উপলক্ষ্যে সাংস্কৃতিক অনুষ্ঠান।

জরুরি তথ্য

ব্লাড ব্যাংক (শুক্রবার সন্ধ্যা ৭টা পর্যন্ত)

■ এমজেএন মেডিকেল কলেজ ও হাসপাতাল এ পজিটিভ - ২ এ নেগেটিভ - ৫ বি পজিটিভ - ৪ বি নেগেটিভ - ৩ এবি পজিটিভ - ৭ এবি নেগেটিভ - ৫ ও পজিটিভ - ৬ ও নেগেটিভ - ৪

■ মাথাভাঙ্গা মহকুমা হাসপাতাল এ পজিটিভ - ১০ এ নেগেটিভ - ৩ বি পজিটিভ - ১৩ বি নেগেটিভ - ১

এবি পজিটিভ - ৩ এবি নেগেটিভ - ০ ও পজিটিভ - ১৪ ও নেগেটিভ - ০

■ দিনহাটা মহকুমা হাসপাতাল এ পজিটিভ - ২০ বি পজিটিভ - ২৪

বি নেগেটিভ - ১ এবি পজিটিভ - ৯ ও পজিটিভ - ৫

ও নেগেটিভ - ১

■ দিনহাটা মহকুমা হাসপাতাল এ পজিটিভ - ২০ বি পজিটিভ - ২৪

বি নেগেটিভ - ১ এবি পজিটিভ - ৯ ও পজিটিভ - ৫

ও নেগেটিভ - ১

মেখলিগঞ্জ পুরসভায় বাড়ছে ক্ষোভ

বর্ষার আগে নালা সংস্কারের দাবি

শুভজিৎ বিশ্বাস

মেখলিগঞ্জ, ২৩ মে : এখনও টানা বর্ষণ শুরু হয়নি। বর্ষার আগে বিভিন্ন ওয়ার্ডের নিকাশি ব্যবস্থা চাঙ্গা করার দাবি উঠছে মেখলিগঞ্জে। মেখলিগঞ্জ পুরসভা ৯টি ওয়ার্ডবিশিষ্ট। মেখলিগঞ্জে প্রথম পুর বোর্ড গঠনের ৩২ বছর হতে চললেও পুরসভায় এমন অনেক সমস্যা রয়েছে যার সম্পূর্ণভাবে সমাধান এখনও সম্ভব হয়নি। সেগুলির মধ্যে অন্যতম হল নিকাশি ব্যবস্থা। বিগত কয়েক বছরে বিভিন্ন সময়ে চ্যাংরাবান্ধা উন্নয়ন পর্বদ, উত্তরবঙ্গ উন্নয়ন দপ্তর, বিধায়ক এলাকা উন্নয়ন তহবিলের টাকায় পুরসভার বিভিন্ন ওয়ার্ডে নিকাশিনালা নির্মাণ করা হয়েছে। কিন্তু তারপরেও ৭ নম্বর ওয়ার্ড বাদে অন্য ওয়ার্ডগুলিতে এখনও নিকাশিনালা নির্মাণ প্রয়োজন।

মেখলিগঞ্জ পুরসভার তরফে অবশ্য জমিজমেকে নিকাশি ব্যবস্থা চাঙ্গা করার কাজে প্রধান প্রতিকূলতা হিসাবে তুলে ধরা হয়েছে। যদিও স্থানীয় বাসিন্দাদের দাবি, এখন থেকে যদি নিকাশি ব্যবস্থা চাঙ্গা না করা হয়, তবে ভরা বর্ষায় সমস্যায় পড়তে হবে।

শহরের বাসিন্দা হারাদন সুব্রহ্মণ্যের কথায়, 'শহরের একটি ওয়ার্ড বাদে কমবেশি সব ওয়ার্ডেই নিকাশি ব্যবস্থা নিয়ে সমস্যা রয়েছে। ভারী বর্ষায় জল ঢুকলে তখন আর কিছু করার থাকবে না। তাই বর্ষার আগে নিকাশি ব্যবস্থা চাঙ্গা করা হোক।'

যদিও মেখলিগঞ্জ পুরসভার চেয়ারম্যান তথা ৭ নম্বর ওয়ার্ডের কাউন্সিলার প্রভাত পাটনি বলেন,



সুতি নদীর জল ঢুকেছে ৪ নম্বর ওয়ার্ডে। গত বর্ষায় তোলা ফাইল ছবি।

সমস্যা কোথায়

■ মেখলিগঞ্জে প্রথম পুর বোর্ড গঠনের ৩২ বছর হয়ে গেলেও নিকাশি ব্যবস্থা বেহাল একাধিক ওয়ার্ডে

■ ৭ নম্বর ওয়ার্ড বাদে অন্য ওয়ার্ডগুলিতে এখনই নিকাশিনালা নির্মাণ প্রয়োজন

■ জমিজমের কারণেই নিকাশি ব্যবস্থার সমস্যা পুরোপুরি মেটানো যাচ্ছে না বলে দাবি পুর কতৃপক্ষের

নিকাশি ব্যবস্থার সমস্যা নিয়ে মেখলিগঞ্জের বাসিন্দা দেবজ্যোতি ধরের বক্তব্য, 'বর্ষায় জল জমে থাকা, চলাচলের সমস্যা থেকে শুরু করে জমা জল থেকে বিভিন্ন রোগ ছড়ানোর সম্ভাবনা থাকে। প্রথম থেকেই শহরের নিকাশি ব্যবস্থা অপরিচ্ছিন্নভাবে গড়ে উঠেছে তাই নিকাশিনালায় জল দাঁড়িয়ে যাওয়া, জল উল্টো দিকে যাওয়ার মতো সমস্যা দেখা যায়।'

গায়ত্রী দেবীর জন্মদিবস

কোচবিহার ব্যুরো

২৩ মে : কোচবিহারের রাজকন্যা তথা জয়পুরের রাজমাতা গায়ত্রী দেবীর ১০৭তম জন্মদিবস শ্রদ্ধা সহকারে পালিত হল। শুক্রবার একটি স্বেচ্ছাসেবী সংগঠনের তরফে রাজবাড়ির গেটের সামনে দিনটি উদযাপন করা হয়। সেখানে

রাজকন্যার প্রতিকৃতিতে ফুল ও পুষ্পস্তবক দিয়ে সংগঠনের সদস্যদের পাশাপাশি বিভিন্ন স্কুল ছাত্রী ও সাধারণ মানুষ শ্রদ্ধা নিবেদন করেন। অপরদিকে, দি কুচবিহার রয়্যাল ফ্যামিলি সাকসেসর ওয়েলফেয়ার ট্রাস্টের তরফে তুফানগঞ্জ নৃপেন্দ্রনারায়ণ মেমোরিয়াল হাইস্কুলেও দিনটি পালন করা হয়।

প্রদীপ প্রজ্ঞানের পর গায়ত্রী দেবীর প্রতিকৃতিতে পুষ্পার্ঘ্য নিবেদন করে শ্রদ্ধা জানান ট্রাস্টের সভাপতি কুমার জিতেন্দ্রনারায়ণ। এছাড়াও উপস্থিত ছিলেন উত্তরবঙ্গ রাষ্ট্রীয় পরিবহণ নিগমের চেয়ারম্যান পার্থপ্রতিম রায়। ট্রাস্টের সম্পাদক কুমার বিরাজেন্দ্রনারায়ণ প্রমুখ।

পাড়ায় পাড়ায়

কোচবিহার

আবর্জনা দূষণ

কোচবিহার, ২৩ মে : নিয়মিত আবর্জনা জমে থাকছে বৈরাগীদিঘির পশ্চিম দিকের দেওয়ালের পাশে। বিশ্ব সিংহ রোডের এই এলাকা দিয়ে যাওয়ার সময় চোখে পড়ে এই আবর্জনার স্তুপ। স্তুপের পাশে দাঁড়িয়ে রয়েছে সার সার গাড়ি। ১৮ নম্বর ওয়ার্ডের এই অংশটি কোনওভাবে পরিষ্কার রাখা যাচ্ছে না বলে আক্ষেপ এলাকাবাসীরা। কে বা কারা এসে এই জায়গায় ময়লা ফেলেছে তা বোঝা যাচ্ছে না। স্থানীয় সজ্জিত

কুণ্ড বলেন, 'দীর্ঘদিন ধরে এখানে আবর্জনা জমে রয়েছে। পুরসভার পক্ষ থেকে আবর্জনা নিয়মিত পরিষ্কার করা হয় না।' বৈরাগীদিঘি এবং মদনমোহনবাড়ির সামনে জমে থাকা এই আবর্জনার স্তুপ স্বাভাবিকভাবে দূষণ ঘটচ্ছে। এবিষয়ে পুরসভার স্যানিটারি ইনস্পেকটর (ইনচার্জ) সৌরভ চক্রবর্তী জানান, 'দু'একদিনের মধ্যে ওই এলাকার আবর্জনা পরিষ্কার করে দেওয়া হবে।

কোনও ডাস্টবিন দেওয়া হয়নি। ফলে এই সব দোকানের আবর্জনা নিকাশিনালায় ফেলা হচ্ছে। মেখলিগঞ্জ পুরসভার ১ নম্বর ওয়ার্ডের কাউন্সিলার কৃষ্ণ বর্মন বলেন, 'নিকাশিনালাগুলি নিয়মিত পরিষ্কার করা হয়। কিন্তু একাংশ ব্যবসায়ী নিয়মিত সব আবর্জনা নিকাশিনালায় ফেলছে।' যদিও নিকাশিনালাগুলি ফের পরিষ্কার করে দেওয়ার আশ্বাস দিয়েছেন তিনি।

তথ্য : দেবদর্শন চন্দ এবং শুভজিৎ বিশ্বাস

রাস্তা সংস্কার নিয়ে টানাটানি

তন্দ্ৰা চক্রবর্তী দাস

কোচবিহার, ২৩ মে : দুই দপ্তরের টানাটানিতে কোচবিহার সাগরদিঘির পশ্চিম দিকের পেভার্স রকের রাস্তার সংস্কার হচ্ছে না। অনেকদিন ধরে এভাবেই পড়ে আছে বলে ক্ষোভ বাড়ছে এলাকার বাসিন্দাদের মধ্যে। জেলা শাসকের দপ্তরের সামনে আনুমানিক চার ফুট দীর্ঘ পেভার্স রকের রাস্তা খারাপ হয়ে পড়ে রয়েছে। সমস্যায় পড়ছেন পথচারীরা। গত বছর নভেম্বর মাসে পুরসভার জলের একটি লাইন ফেটে যাওয়ায় সেটি ঠিক করার জন্য পেভার্স রকের রাস্তার ওই অংশটি খুঁড়তে হয়। পরবর্তীতে জলের লাইন ঠিক হলো ওই ভাঙা অংশটি পুরসভা ওভাবেই রেখে দিয়েছে বলে অভিযোগ।

জেলা শাসকের দপ্তরের দিকে সন্ধের পর পযাপ্ত আলো থাকে না। ফলে অন্ধকারে ওই ভাঙা অংশে অনেকেই হেঁচট খান। এমন অভিজ্ঞতার কথা শোালেন পৌলোমী চট্টোপাধ্যায় ও অভিযুক্তা

সাগরদিঘির চত্বরের সৌন্দর্য্যবিনের দায়িত্বে রয়েছে মিউনিসিপ্যাল ইঞ্জিনিয়ারিং ডাইরেক্টরেট। এমইডি'র এগজিকিউটিভ ইঞ্জিনিয়ার অভিনন্দন দিদা বলেন, 'আমরা সাগরদিঘির পাড়ের ফুটপাথ এবং উল্টোদিকের পেভার্স রক সবকিছুই ঠিকমতন করে দিয়েছিলাম। এবার পেভার্স রক খুঁড়ে কোনও কাজ যে দপ্তর করবে পরবর্তীতে সেখানটি ঠিক করে দেওয়ার দায়িত্ব তাদের উপরে বর্তায়।' এই দুই দপ্তরের মধ্যে ডি টানাটানিতে সমস্যায় পড়ছেন কোচবিহারের সাধারণ বাসিন্দারা।



এই ভাঙা রাস্তা সংস্কার নিয়েই টানাটানি চলছে। -সংবাদচিত্র

মিষ্টি খেয়ে ক্যাশ নিয়ে চম্পট দিল দুই চোর

প্রসেনজিৎ সাহা

দিনহাটা, ২৩ মে : তখন গভীর রাত। ভালোবন্ধ মিষ্টির দোকানে ঢুকল দুই দুস্কৃত। নগদ টাকা বা মূল্যবান কোনওকিছুর দিকে না গিয়ে ফ্রিজ খোলার লাইন পটাপ গুয়ে ফেলতে লাগল রসগোল্লা, পান্ডারা, সন্দেশ। পেটপূরে খাওয়াওয়া শেষ করে গলায় ঢালল ঠান্ডা পানীয়। সবকিছুে ক্যাশ খেঁচে নগদ টাকা নিয়ে চম্পট দিল। দিনহাটা স্টেশন রোড সংলগ্ন ১৩ নম্বর ওয়ার্ডের একটি মিষ্টির দোকানে এহেন চুরি নিয়ে শহরজুড়ে চাঞ্চল্য শুরু হয়েছে। মিষ্টি খাওয়ার দৃশ্য ধরা পড়ছে সিসিটিভিতে।



জনালার শিক ভেঙে এই পথেই আসে চোর। -সংবাদচিত্র

দোকানের সব জিনিস এলোমেলো দেখেই বিষয়টি পরিষ্কার হয়ে যায়। তারা পদর কথায়, 'এদিন দোকানে ঢুকেই দেখি দোকানে সবকিছু এলোমেলো, ফ্রিজে থাকা মিষ্টির অধিকাংশ নেই। এছাড়া

ঠান্ডা পানীয়ের বোতল শেষ, ক্যাশ থেকে প্রায় ১৫ হাজার টাকা খোয়া গিয়েছে, দিনহাটা থানায় অভিযোগ দায়ের করেছে।'

পুলিশ আসে ঘটনাস্থলে। খতিয়ে দেখা হয় সিসিটিভি ফুটেজ। দিনহাটা থানার এক অধিকারিকের কথায়, 'তদন্ত শুরু হয়েছে। সিসিটিভি ফুটেজ দেখে অপরাধীদের শনাক্ত করার চেষ্টা চলছে।' স্থানীয় বাসিন্দা মনোজ দে'র কথায়, 'সিসিটিভি ফুটেজে দুজন অপরিচিতকে দেখা গিয়েছে। যেভাবে একেবারে মূল রাস্তার ধারে চুরির ঘটনা ঘটেছে তা ব্যবসায়ীদের জন্য চিন্তার বিষয়।' তবে একেবারে একেবারে সরস সংযোগন, এই রকম ভোজনরসিক চোর তারা আগে কখনও দেখেননি।

রংদার

বর্ষামঙ্গল

সুচি অনুযায়ী আসার আগেই উত্তরবঙ্গে এবার বর্ষা কড়া নাড়ছে। বদলে যাচ্ছে তার চরিত্র, তাকে ঘিরে আমাদের সমস্ত অনুভূতিও। বর্ষার এই বদলে চলা ছবিকে নিয়েই এবারের রংদার রোববারের প্রচ্ছদ কাহিনী।

প্রচ্ছদ কাহিনী বিপুল দাস, দেবদূত ঘোষাঠাকুর ও রজন রায় ছোটগল্প শুভময় সরকার ও জয়দেব সাহা

ফুড রগ শুভ সরকার

কবিতা মণিদীপা বিশ্বাস কীর্তিনিয়া, অয়ন বন্দোপাধ্যায়, সুবীর সরকার, প্রণবকুমার চট্টোপাধ্যায়, পঙ্কজ ঘোষ, বিভা দাস ও ছবি ধর

ধারাবাহিক দেবানন্দে দেবার্চনা : পূর্বা সেনগুপ্ত

অধিনায়ক হওয়ার অপেক্ষায় শুভমান

অরিন্দম বন্দ্যোপাধ্যায়

কলকাতা, ২৩ মে : জল্পনার আজ শেষবেলা। অপেক্ষা আর মাত্র কয়েক ঘণ্টার। তারপরই শনিবার দুপুর দেড়টায় মিশন ইংল্যান্ডের লক্ষ্যে ভারতীয় দল যোষণা হয়ে যাবে। ২০ জুন থেকে লিডসে শুরু হচ্ছে ভারত বনাম ইংল্যান্ডের টেস্ট সিরিজ। পাঁচ টেস্টের সিরিজ নিয়ে ক্রিকেটমহলে প্রবল আগ্রহ। যার নেপথ্যে দুইটি নাম, বিরাট কোহলি ও রোহিত শর্মা। ‘রোকো’ জুটির অবসরের পর বিলেতের মাটিতেই প্রথমবার টেস্ট খেলতে চলেছে টিম ইন্ডিয়া। ফলে ভারতীয় ব্যাটিং নিয়ে রয়েছে আগ্রহ। শুধু তাই নয়, রোহিতের পর টিম ইন্ডিয়ার টেস্ট দলের অধিনায়ক কে হবেন, তা নিয়েও জল্পনার শেষ নেই। যদিও ভারতীয় টেস্ট দলের নয়। নেতার মৌড়ে সবার আগে শুভমান গিল। মনে করা হচ্ছে, তার অধিনায়ক হওয়া নেহাতই সময়ের অপেক্ষা। যদিও শেষবেলায় জসপ্রীত বুমরাহ সমানে টক্কর দিয়ে চলেছেন শুভমানকে। সমস্যা একটাই, চোটপ্রবণ বুমরাহ পাঁচ টেস্টের ধকল নিতে পারবেন কি না, সেটা কারোর জানা নেই। তাই বুমরাহ বনাম শুভমান লড়াই এখন তুঙ্গে।

রোহিত-বিরাটের অবসরের পর যশসী জয়সওয়ালের সঙ্গে কে ওপেন করবেন, চার নম্বরে কে ব্যাট করবেন- এমন নানা বিষয় নিয়েও

প্রশ্ন	অলরাউন্ডার
যশসী জয়সওয়ালের সঙ্গী ওপেনার ও চার নম্বর ব্যাটার।	শার্দূল ঠাকুর, রবীন্দ্র জাদেজা।
সংশয়	নিশ্চিত
বাংলায় হয়ে রনজি ট্রফি খেলার পরও মহম্মদ সামির ফিটনেস।	উইকেটকিপার-ব্যাটারের ভূমিকায় ঋষভ পণ্ড ও ধ্রুব জুরেল।
পেসার	সম্ভাবনা
জসপ্রীত বুমরাহর পাশে মহম্মদ সিরাজ, হর্ষিত রানা, আকাশ দীপ, প্রসিধ কৃষ্ণা।	বাহাঁতি জোরে বোলার হিসেবে অর্শদীপ সিং।

বোঝার জন্য যথেষ্ট? জল্পনা চলছে। রাতের দিকে ভারতীয় নির্বাচক কমিটির এক সদস্য নাম না লেখার শর্তে উত্তরবঙ্গ সংবাদকে মুখই থেকে বলছিলেন, ‘সামির ফিটনেস নিয়ে ধোঁয়াশা রয়েছে। ইংল্যান্ডে পাঁচ টেস্টের সিরিজে পুরো সময়

শুভমান গিলের জমানায় ঋষভ পণ্ডের ভূমিকা কী হবে? জানতে শনিবার চোখ থাকবে মুম্বইয়ে দল নির্বাচনি বৈঠকে।

আজ মিশন ইংল্যান্ডের দল ঘোষণা ■ অনিশ্চিত সামি

ফিট সামিকে পাওয়া যাবে কি না, স্পষ্ট নয়। বুমরাহর জন্যও একই কথা বলতে হবে। ওয়ার্কলোড ম্যানেজমেন্ট যদি বুমরাহর জন্য একটা ফ্যান্টার হয়, তাহলে সামির

ইংল্যান্ড সিরিজের দলে সুযোগ পাওয়া নিয়ে কোনও সংশয় নেই। অলরাউন্ডার হিসেবে শার্দূল ঠাকুরও থাকবেন দলে। প্রয়োজনে তিন বা চার নম্বর পেসারের ভূমিকায় তাকে দেখা যেতে পারে। কিন্তু তার আগে সামিকে ইংল্যান্ড সফরের দলে না রাখা হলে অভিজ্ঞতার বিচারে ভারতীয় দলের বোলিং শক্তি কমতে বাধ্য। বোলিংয়ের পাশে টিম ইন্ডিয়ার ব্যাটিং লাইনআপ নিয়েও রয়েছে ধোঁয়াশা। ভারতীয় ক্রিকেট কন্ট্রোল বোর্ডের একটি বিশেষ সূত্রের খবর, লিডসে প্রথম টেস্টে জয়সওয়ালের সঙ্গে লোকেশ রাহুলের ওপেন করার সম্ভাবনা প্রবল। তাঁকেই বিলেত সফরে রোহিতের পরিবর্তে ওপেনার হিসেবে ভাবা হচ্ছে।

লোকেশ যদি যশসীর সঙ্গে ওপেন করেন, তাহলে দলের মিডল অর্ডরের ছবিটা কেমন হবে? হবু অধিনায়ক শুভমান তিন নাকি চার নম্বরে ব্যাটিং করবেন? স্বপ্নের ফর্মে থাকা বি সাই সুদর্শনকে কি তিন নম্বর জায়গা ছেড়ে দেবেন শুভমান? কোহলির ফেলে যাওয়া

চার নম্বরে কে ভরসা দেবেন দলকে? করুণ নায়ার, শ্রেয়াস আইয়ারদের (সম্ভাবনা কম) মতো বেশ কিছু নাম ভাসছে ভারতীয় ক্রিকেটমহলে। কিন্তু কোনও কিছুরই নিশ্চয়তা নেই। রবীন্দ্র জাদেজা নিশ্চিতভাবেই স্পিন অলরাউন্ডার হিসেবে থাকছেন দলে। জোড়া উইকেটকিপার-ব্যাটার হিসেবে ঋষভ পণ্ড ও ধ্রুব জুরেলকে নিয়েও সন্দেহ নেই। বিশেষজ্ঞ স্পিনার হিসেবে কলদীপ যাদবের ইংল্যান্ড সফরের দলে থাকা প্রায় নিশ্চিত। রাতের দিকের খবর, কোচ গৌতম গম্ভীর ও জাতীয় নির্বাচক কমিটির প্রধান অজিত আগরকার একজন বাহাঁতি জোরে বোলার বিলেত সফরে নিয়ে যেতে চাইছেন। অর্শদীপ সিংয়ের প্রবল সম্ভাবনা রয়েছে স্কোয়াডে ঢুকে পড়ার।

শেষপর্যন্ত ইংল্যান্ড সফরের ভারতীয় দলের ছবিটা যেমনই হোক না কেন, রোহিত-বিরাট পরবর্তী পর্বে ‘নয়া’ ভারতের বোধন শনিবারই হয়ে যাবে।

মাঠে ময়দানে

একান্ত সাক্ষাৎকারে

রিচা ঘোষ

আবেগ নয়, কিছু স্মৃতি আছে লর্ডসকে ঘিরে। (২০০২ সালে ন্যাটওয়েস্ট ট্রফি জয়ের পর) লর্ডসের ব্যালকনিতে সৌরভদার জামা ঘোরানোর কথা এতবার শুনেছি যে ১৯ জুলাই মাঠে নামার সময় অবশ্যই সেটা মনে পড়বে।

লর্ডসে নামার সময় মনে পড়বে সৌরভের কথা

শুভময় সান্যাল

শিলিগুড়ি, ২৩ মে : ছুটি প্রায় শেষ। কয়েকদিনের মধ্যেই কলকাতা হয়ে রিচা ঘোষ পৌঁছে যাবেন বেঙ্গালুরুতে জাতীয় শিবিরে। সেখানে প্রস্তুতি নিয়ে ওভিআই ও টি২০ সিরিজের জন্য ইংল্যান্ডে পাড়ি দেবেন। তারপরই সেপ্টেম্বর-অক্টোবরে দেশের মাটিতে রয়েছে ওভিআই বিশ্বকাপ। ব্যস্ত ক্রিকেট সূচির মধ্যে মাসপাটকে হয়তো খাড়ি ফেরাই হবে না। তাই ব্যাগ গোছানোর সঙ্গে শিলিগুড়ির সুভাষপল্লির বাড়িতে পরিবার ও চেনাপরিচিতদের আদার রক্ষা করে যেতে হচ্ছে রিচাকে। এর মধ্যেই তিনি সময় করে উত্তরবঙ্গ সর্বাঙ্গকে একান্ত সাক্ষাৎকার দিলেন। যেখানে উঠে এসেছে লর্ডস নিয়ে তাঁর নস্টালজিয়ার কথা। জানিয়েছেন, ১৯ জুলাই লর্ডসে সিরিজের চতুর্থ টি২০ ম্যাচ খেলতে নামার সময় তাঁর মনে পড়বে সৌরভ গঙ্গোপাধ্যায়ের কথা।

লর্ডস আবেগ

আবেগ নয়, কিছু স্মৃতি আছে লর্ডসকে ঘিরে। (২০০২ সালে ন্যাটওয়েস্ট ট্রফি জয়ের পর) লর্ডসের ব্যালকনিতে সৌরভদার জামা ঘোরানোর কথা এতবার শুনেছি যে ১৯ জুলাই মাঠে নামার সময় অবশ্যই সেটা মনে পড়বে। আমাদের ড্রেসিংরুমেও লর্ডস নিয়ে কথা শুনেছি। এর আগে ইংল্যান্ডে গেলেও জাতীয় দলের হয়ে লর্ডসে নামা হয়নি। তবে দ্য হান্ড্রেডে খেলার সময় লর্ডসে খেলার সৌভাগ্য হয়েছিল। তখনই ওখানকার পরিবেশ, লর্ডসের অনার্স বোর্ড আমাকে মুগ্ধ করেছিল।

অনার্স বোর্ডে নাম

না, সেই রকম কোনও পরিকল্পনা নিয়ে যাচ্ছি না।

সিনিয়ার পর্যায়ের আমার পঞ্চম বিশ্বকাপ হতে চলেছে। একবার ট্রফি হাতে নেওয়ার ইচ্ছা তো আছেই। গোটা দলই সেই লক্ষ্যে প্রস্তুতি নিচ্ছে। দেশের মাটিতে খেলার অ্যাডভান্টেজ আমাদের সঙ্গে থাকছে।

ফিনিশিং সমস্যা

শেষ কয়েকটা বিশ্বকাপে কাছাকাছি পৌঁছেও ট্রফি আসেনি আমাদের। ম্যাচ সিমুলেশনে আমরা ফিনিশিং নিয়ে খাটছি। এটা একটা ধারাবাহিক প্রক্রিয়া। বোলার কে, সেদিন তাঁর ফর্ম কেমন চলছে, নিজে এবং পার্টারের কেমন হুন্দে রয়েছে - পরিকল্পনা তৈরিতে সবকিছুর ওপর নির্ভর করতে হয়।

বড় সুযোগ বাকিদের জন্য, বলছেন গম্ভীর



সানরাইজার্স হায়দরাবাদ ম্যাচের আগে নকিংয়ের জন্য চলেছেন বিরাট কোহলি। লখনউয়ে গুরুপ্রসাদ।

মুম্বই, ২৩ মে : বিরাট কোহলি, রোহিত শর্মাদের শূন্যস্থান পূরণের কাজটা কর্তন। কিন্তু সেটাই এখন চ্যালেঞ্জ। রোহিত-কোহলি জুটির অনুস্থিতি দলের বাকিদের জন্য দুর্দান্ত সুযোগ।

রোহিত-বিরাটরা ২০২৭ সালে দক্ষিণ আফ্রিকা একদিনের বিশ্বকাপের স্কোয়াডে থাকবেন কি না, সময় বলবে। তার আগে আমাদের সামনে রয়েছে ২০২৬ সালে দেশের মাটিতে টি২০ বিশ্বকাপের চ্যালেঞ্জ।

একজন ক্রিকেটার কখন খেলা শুরু করবে, কখন খেলা থেকে অবসর নেবে, সেটা একান্তভাবেই সংশ্লিষ্ট ক্রিকেটারের ব্যক্তিগত সিদ্ধান্ত। সেই সিদ্ধান্তকে সবসময় সম্মান করা উচিত।



শেষ চারে শ্রীকান্ত

কুয়ালা লামপুর, ২৩ মে : মালয়েশিয়া মাস্টার্স ব্যাডমিন্টনে পুরুষদের সেমিফাইনালে উঠলেন কিদামি শ্রীকান্ত। বৃহস্পতিবার কোয়ার্টার ফাইনালে তিনি ২৪-২২, ১৭-২১, ২২-২০ পর্যায়ে হারিয়েছেন ফ্রান্সের টোমা পোপোভোভ। জয়ের পর শ্রীকান্ত বলেছেন, ‘আমি অনেকদিন পর একটানা এত ম্যাচ জিতলাম। আশা করছি এই ছন্দ ধরে রাখতে পারব।’ সেমিফাইনালে জাপানের উসি তানাকার মুখোমুখি হবেন শ্রীকান্ত। মিল্লড ডাবলসে কোয়ার্টার ফাইনাল থেকে বিদায় নেন ধ্রুব কপীলা-তানিশা ক্রান্তো। তারা হেরে গিয়েছেন চিনের জিয়ান বোন ব্যাং-ওয়েই ইয়া জিনের কাছে।

অবসর নিয়ে প্রশ্ন বেঙ্গসরকারের

মুম্বই, ২৩ মে : বিরাট কোহলি, রোহিত শর্মা উত্তর পর্বে প্রথম টেস্ট সফর। তাও একেবারে বিলেতের মাটিতে। ইংলিশ কন্ডিশনের সঙ্গে মানিয়ে নেওয়া। তরুণ ভারতীয় দল কীভাবে চ্যালেঞ্জ সামলায়, আশা-আশঙ্কার দোলাচল। আর এই প্রসঙ্গ টেনেই বিরাট-রোহিতদের অবসরের সময় নিয়ে প্রশ্ন তুললেন দিলীপ বেঙ্গসরকার।

লর্ডসে একমাত্র বিদেশি ব্যাটার হিসেবে চানা তিন টেস্টে শতরানের মালিকের মতো, ইংল্যান্ড সফরের পরই দুই তারকা অবসর

নেন। ইংল্যান্ড সফরে রোহিতকে ঘিরে টানাপড়েন ছিল। এরকম কিছু ঘটতে চলেছে, সম্ভাবনা উকি মারছিল। কয়েকদিনের মধ্যে অবাক করে একই পথে বিরাটও। দশ হাজার টেস্ট রানের মাইলস্টোন থেকে মাত্র ৭৭০ রান আগে থামার সিদ্ধান্ত নেন। বেঙ্গসরকারের কথায়, অতীতে ইংল্যান্ডের মাটিতে বিরাট-রোহিত সাফল্য পেয়েছেন। সেদিক থেকে দলের জন্য বড় ক্ষতি। তবে দুই তারকার বিদায় নতুনদের সামনে সুযোগ এনে দিচ্ছে। আশাবাদী, বাকিরা তা কাজে লাগাতে সমর্থ হবেন।

সম্ভাব্য বিকল্প কে বা কারা হতে চলেছে, সেই প্রসঙ্গে ঢুকতে নারাজ বেঙ্গসরকার। দায়িত্বটা ছাড়লেন নির্বাচকদের ওপর। প্রাক্তনের যুক্তি, ঘরোয়া ক্রিকেটে কড়া নজর রয়েছে নির্বাচকদের। তারাই এই ব্যাপারে কিছু বলা বা পদক্ষেপ করার পক্ষে উপযুক্ত। তবে শ্রেয়াস আইয়ারের নামও ভাসিয়ে দিলেন। বেঙ্গসরকারের যুক্তি, শ্রেয়াস ভালো ব্যাটার। অভিজ্ঞও। বিরাটদের শূন্যতা পূরণে মিডল অর্ডরে আদর্শ হতে পারে পাঞ্জাব কিংস অধিনায়ক।

বিরাট-রোহিতদের ঘিরে শূন্যতা তৈরি হলেও বেঙ্গসরকারের বিশ্বাস, তরুণ ব্রিসেডের মধ্যে চ্যালেঞ্জ নেওয়ার রসদ রয়েছে। প্রতিভার অভাব নেই ভারতীয় দলে। টিম ইন্ডিয়ার সামনে দলো সুযোগ থাকবে বিলেতের মাটিতে বিজয়পতাকা ওড়ানোর। তবে লক্ষ্যপূরণে প্রথম দুই টেস্ট গুরুত্বপূর্ণ, গৌতম গম্ভীরদের সতর্ক করে দিচ্ছেন ভারতীয় ক্রিকেটের কর্তা। পাশাপাশি বিশ্বাসও রাখছেন, ইংল্যান্ড সফরে নতুন তারকা জন্ম নেবে। ভারতীয় দল সফল হবে।

৬৬

দুইজনে দুর্দান্ত ব্যাটার। ভারতীয় ক্রিকেটে ওদের অবদান অনস্বীকার্য। সামনে ইংল্যান্ডের মাটিতে পাঁচ টেস্টের সিরিজ। গুরুত্বপূর্ণ যে সিরিজের পর দুইজনে অবসর নিতে পারত। তবে ওদের ব্যক্তিগত সিদ্ধান্ত। ভেবেই হবতো নিয়েছে।

দিলীপ বেঙ্গসরকার

নিতে পারত। রোকো-র সিদ্ধান্তে তিনি অবাক। এক সাক্ষাৎকারে বেঙ্গসরকার বলেছেন, ‘দুইজনে দুর্দান্ত ব্যাটার। ভারতীয় ক্রিকেটে ওদের অবদান অনস্বীকার্য। সামনে ইংল্যান্ডের মাটিতে পাঁচ টেস্টের সিরিজ। গুরুত্বপূর্ণ যে সিরিজের পর দুইজনে অবসর নিতে পারত। তবে ওদের ব্যক্তিগত সিদ্ধান্ত। ভেবেই হয়তো নিয়েছে।’

নয়া ফুটবল মরশুমের ক্যালেন্ডারে বদল

নিজস্ব প্রতিনিধি, কলকাতা, ২৩ মে : অল ইন্ডিয়া ফুটবল ফেডারেশন যে ভারনাচিন্তাই করুক না কেন, ডুরান্ড কাপ দিয়েই শুরু হতে চলেছে আগামী মরশুম। ফলে এআইএফএফের দেওয়া ক্যালেন্ডারে করতে হচ্ছে রদবদল।

গত মরশুম থেকেই ফেডারেশন কর্তারা চেষ্টা করছেন ঐতিহ্যবাহী ফেডারেশন কাপ আবার ফিরিয়ে আনতে। তাঁদের ভাবনায় ছিল, এবার মরশুম শুরুই করা হবে এই ফেডারেশন কাপ দিয়ে। কিন্তু শেষপর্যন্ত সেটা সম্ভব হচ্ছে না কিছু রাজনৈতিক এবং সরকারি বাধ্যবাধকতায়। ডুরান্ড কাপই হবে প্রাক-মরশুম টুর্নামেন্ট। যা আগে ১৮ জুলাই থেকে শুরু করার কথা ছিল। কিন্তু রাজ্য সরকারের সঙ্গে আলোচনা-আলোচনার পর উদ্বোধনের দিন পিছিয়ে সম্ভবত ২৩ তারিখ করা হচ্ছে।

কারণ ২১ জুলাই তৃণমূল কংগ্রেসের বড় অনুষ্ঠান থাকে কলকাতায়। ফলে নেতা-মন্ত্রী তো বটেই, পুলিশ-প্রশাসনও এতে ব্যস্ত থাকে। যেহেতু কলকাতাতেই উদ্বোধন, তাই তারপর একদিন বাদ দিয়ে ডুরান্ড শুরু করার ভাবনায় আরোজকরা। আগস্টের ২২ কী ২৩ তারিখ শেষ হবে ডুরান্ড। ফেডারেশন এখন স্টেটা করছে আইএসএল সেপ্টেম্বরের শেষ সপ্তাহে শুরু করিয়ে মাঝের সময়টা ফেডারেশন কাপ করাতো। আইএসএল কিছুটা পিছিয়ে দেওয়ার জন্য তারা নাকি এক্সপ্রেসডিএলকে অনুরোধও জানাবে। কিন্তু প্রশ্ন এখানেও থাকছে। অভিজ্ঞমহল মনে করছে, কিছুতেই কোরোনা আইএসএল শুরু করার আগে রাজি হবে না পরপর দুটি টুর্নামেন্ট খেলতে। একান্তই তারা রাজি না হলে পিছিয়ে সম্ভবত ২৩ তারিখ করা হচ্ছে।

কেন, সেটা জানুয়ারির ফিফা আন্তর্জাতিক উইন্ডোতেই নিয়ে যাওয়া হবে। সমস্যা অবশ্য এতেই থেমে থাকছে না। এবার মোহনবাগান সুপার জয়েন্ট ও এফসি গোয়া একফসি-র টুর্নামেন্ট খেলবে। যার মধ্যে গোয়ার প্লে-অফ অগাস্টেই পড়ার কথা। তাই তারা ডুরান্ড কমিটির কাছে অনুরোধ জানিয়ে রেখেছে, গোয়ার গ্রুপ লিগের ম্যাচ যাতে ওই মাসের শুরুর দিকেই দিয়ে দেওয়া হয়। কোনও কারণে যদি ফেডারেশন কাপ অগাস্টের শেষ সপ্তাহ থেকে সেপ্টেম্বরের মধ্যে হয় তাহলে গোয়া যোগ্যতা অর্জন করলে তাদের এবং মোহনবাগানের পক্ষে এই টুর্নামেন্টকে গুরুত্ব দেওয়াই সমস্যা হবে অ্যাপসিলয় লিগ টুয়ের গ্রুপ পর্যায়ের ম্যাচগুলির জন্য। সবমিলিয়ে ক্যালেন্ডার নিয়ে সবটাই এখনও অবিন্যস্ত অবস্থায়

আছে। শুধুমাত্র ডুরান্ড দিয়ে মরশুম শুরু করাটা নিশ্চিত।

ফাইনালে ইস্টবেঙ্গল

নিজস্ব প্রতিনিধি, কলকাতা, ২৩ মে : কন্যাশ্রী কাপের ফাইনালে উঠল ইস্টবেঙ্গল। তারা সেমিফাইনালে ২-০ গোলে হারাল সাদিন স্মিথিকে। লাল-হলুদের হয়ে গোল করেন সুলঞ্জনা রাউল ও সন্ধ্যা মাইতি। অপর সেমিফাইনালে শ্রীভূমি এফসি মুখোমুখি হয়েছিল সুরুচি সংঘের। ৫৭ মিনিট পর্যন্ত খেলার ফলাফল ছিল গোলশূন্য। তারপর প্রবল বৃষ্টির কারণে আর খেলা হয়নি। অসম্পূর্ণ ম্যাচটি শনিবার অনুষ্ঠিত হবে। এদিকে কন্যাশ্রী কাপের ফাইনাল ম্যাচ ইস্টবেঙ্গল মাঠে আয়োজন করার পরিকল্পনা নিয়েছে আইএফএ।

মোহনবাগানের নির্বাচন হয়তো ২২ জুন

নিজস্ব প্রতিনিধি, কলকাতা, ২৩ মে : শনিবারই সম্ভবত বিচারপতি অসীমকুমার রায়ের নেতৃত্বাধীন নির্বাচন পরিচালন কমিটি জানাবে মোহনবাগানের আ্যথলেটিক ক্লাবের আসম নির্বাচনের তারিখ। তার আগেই মোটিমুচিভাবে যা জানা যাচ্ছে তাতে ২২ জুন হতে পারে এই অতি আলোচিত নির্বাচন।

আগেই অসীমকুমার রায় জানান, তাঁরা জুন মাসের দ্বিতীয় বা খুব দেরি হবে তৃতীয় সপ্তাহের মধ্যে নির্বাচন সম্পন্ন করার চেষ্টা করবেন। সেই অনুযায়ী ২২ জুন রবিবার দিনটিকেই বেছে নেওয়া হবে এই নির্বাচনের জন্য। ঐতিহ্যশালী টাউন হল বা নেতাজি ইন্ডোর স্টেডিয়ামের মধ্যে কোনও একটির কথা ভাবা হলেও যা খবর তাতে হয়তো টাউন হলকেই বেছে নেওয়া হচ্ছে। এবার সচিব দেবশীল দত্ত এবং বিরোধী শিবির বলে পরিচিত সুজয় বসু গোষ্ঠীর মধ্যে নির্বাচনি প্রচার ঘিরে চাপানউতোর তুঙ্গে। নির্বাচনের দিনক্ষণ জানানো হলে, পরিস্থিতি আরও উত্তপ্ত হতে পারে। আগামী ২ জুন পর্যন্ত মনোনয়নপত্র তোলা এবং ৩ তারিখ পর্যন্ত জমা করার সময়সীমা শনিবারই হয়তো ধার্য করবেন বিচারপতি।

এদিকে, শনিবার সিএবি পরিচালিত জেসি মুখার্জি ট্রফিতে চ্যাম্পিয়ন হওয়ার জন্য ক্লাব লনে পতাকা উত্তোলন করা হবে বলে জানানো হয়েছে।

KHOSLA ELECTRONICS

AC & REF MELA



EXCLUSIVE OFFERS AT KHOSLA

BUY AC OR REFRIGERATOR

₹0 & 24 MONTHS EMI

PAYMENT ON ALL BRANDS

2 EMI OFF ₹4,000

WORTH

BUY TODAY & PAY EMI FROM JULY



UP TO **7.5% INSTANT DISCOUNT***

SBI card

#Min. Trxn.: ₹25,000; Max. Discount: ₹7,500 per card. Also valid on EMI Trxns. Validity: 10 May - 08 Jun 2025. T&C Apply.

5 YEARS COMPREHENSIVE WARRANTY

FREE INSTALLATION WITH BRACKET

WORTH ₹2,500

FASTEST DELIVERY

WITHIN **24hrs**

UP TO **₹10,000 HIGHEST EXCHANGE**

FREE GIFT COUPON

WORTH ₹4,700

SURESHOT

ALL BANK DEBIT & CREDIT CARDS ACCEPTED

DISCOUNT Upto 60%

1.0 Ton 3* ₹19,990	1.5 Ton 3* ₹20,990	2.0 Ton 3* ₹32,990
1.0 Ton 5* ₹25,990	1.5 Ton 5* ₹28,990	2.0 Ton 5* ₹43,490

Starting EMI ₹1,955

DAIKIN HITACHI Carrier BLUE STAR VOLTAS LG SAMSUNG Panasonic LLOYD Godrej Haier Whirlpool IFB SAMSUNG SURESHOT GENERAL ONIDA

DISCOUNT Upto 36%

1 Ton | 1.5 Ton | 2 Ton

Starting EMI ₹2,025

VOLTAS Carrier BLUE STAR GENERAL HITACHI LG LLOYD

DISCOUNT Upto 50%

ALL DESERT COOLERS ARE WITH HONEYCOMB PAD

80 Ltr. EMI ₹852	65 Ltr. EMI ₹834	50 Ltr. EMI ₹660
----------------------------	----------------------------	----------------------------

FREE Chopper worth ₹695

BAJAJ KGA DEEBO HAVELLS Godrej BLUE STAR VOLTAS

DISCOUNT Upto 41%

600 Ltr. SBS EMI ₹2,552	237 Ltr Bottom Mount EMI ₹1,994	233 Ltr DD EMI ₹1,833
180 Ltr SD EMI ₹1,166		

FREE Chopper worth ₹695

LG SAMSUNG Godrej Whirlpool Haier LLOYD Panasonic IFB BOSCH BLUE STAR

AI FAST AND COMFORT COOLING

AUTO OPTIMIZES ROOM TEMPERATURE BY ANALYSING ROOM

USAGE PATTERNS WELCOME COOLING

DETECTS YOUR LOCATION AND AUTOMATICALLY ADJUSTS THE COOLING CAPACITY BASED ON THE ROOM'S TEMPERATURE

HOME AI ENERGY MODE A UNIQUE MODE THAT CREATES THE IDEAL CLIMATE FOR SLEEPING WITHOUT SMART THINGS

AI ENERGY MODE MONITORS AND REDUCES ENERGY ESTIMATES ELECTRICITY BILL AND ADJUSTS COMPRESSOR FREQUENCY TO SAVE ENERGY

SMART FORWARD KEEPS YOUR DEVICES RELEVANT BY UPGRADING USER EXPERIENCE THROUGH OVER-THE-NETWORK SOFTWARE UPDATES

IDEAL CLIMATE FOR SLEEP WITH AN UNUSUAL AIR FLOW

GOOD SLEEP AI ENERGY MODE MONITORS AND REDUCES ENERGY

Bespoke AI WindFree™

AI that truly saves and cools



Save up to **30%** Energy with AI Energy Mode™

AI Fast & Comfort Cooling | 3D Map View

5 বছরের
কম্প্রিহেনসিভ ওয়ারেন্টি*

বিনামূল্যে
ইনস্টলেশন*

7.5%
পর্যন্ত
ক্যাশব্যাক*

0
ডাউন
পেমেন্ট*

Bespoke AI WindFree™ Split AC (5.0 kW)
— AR60F19D15W —

5 star



MRP ₹ 91990
Special Offer Price ₹ 49490 (1 unit)

Bespoke AI WindFree™ Split AC (5.3 kW)
— AR60F19D13W —

3 star



MRP ₹ 84990
Special Offer Price ₹ 41490 (1 unit)

Bespoke AI Split AC (5.0 kW)
— AR50F19D15H —

5 star



MRP ₹ 85990
Special Offer Price ₹ 43990 (1 unit)

Bespoke AI Split AC (5.3 kW)
— AR50F19D13H —

3 star



MRP ₹ 81990
Special Offer Price ₹ 37990 (1 unit)

Please dispose of e-waste and plastic waste responsibly. Customers can WhatsApp on 1800 5 7267864 for information on e-waste/plastic waste pickup.

Follow Samsung on:  [samsung.com](https://www.samsung.com) |  [@SamsungIndia](https://www.instagram.com/SamsungIndia) |  [@SamsungIndia](https://www.facebook.com/SamsungIndia) |  [SamsungIndia](https://www.youtube.com/SamsungIndia) |  [@samsungindia](https://www.linkedin.com/company/samsungindia)

Images simulated for representational purpose only, actual may vary. Offer valid till stocks last. **Based on internal testing on the AR07D9181H23 model under controlled laboratory conditions. Requires use of SmartThings App and Samsung account. Actual savings may vary by usage patterns and environment. *Comprehensive warranty valid for condenser, PCB, evaporator coil, fan motor, gas recharge. (Only when condenser is getting replaced). *Applicable only on WindFree™ 5 star models. *Cashback at the sole discretion of the NBFCs/Bank. Only 1 transaction/card/calendar month is eligible for cashback offer. *Down payment offer is applicable on select credit cards. Third party and finance offers are at the sole discretion of partner/NBFC/Financier

Contact us

 **WhatsApp**
Scan QR Code



CUSTOMER CARE NO.  **95119 43020**
enquiry@khoslaelectronics.com

BUY 24 X 7 @ [khoslaonline.com](https://www.khoslaonline.com)

Scan to locate your nearest Khosla store



COOCHBEHAR Rail Gumti Ph: 9147417300

RAIGANJ Mohonbati Bazar Ph: 9147393600

ALIPURDUAR Shamuktala Road Ph: 9874287232

SILIGURI Sevoke Road, 2nd Miles Ph: 9874241685

BALURGHAT Hili More Ph: 98742 33392

MALDAH 15/1, Pranth Pally Ph: 98742 49132

